

鎌先作

養浩堂詩稿


呂秋樵評批  
係鎌先作

早稲田大学図書館

文書27

E120





鎌先雜咏

鎌先在陟前川田郡距白石二里訪古老所言正長  
年間白石之邑有採薪者渴而覓飲以鎌穿巖於暖  
聲之下得溫泉於是乎浴則百病頓愈其地絕巘森  
樹鬱蔥山水幽邃可謂仙境余向者患癰每逢秋冷  
皆右覺痛茲年九月遊洛連旬到十月登山望海心  
神快適時屬中秋放吟小酌居民往來問余以戊辰  
之事遂賦數首

山樓想起戊辰年誓奏丹心

帝闕邊今日

天恩賜骸骨鎌先風月浴溫泉

鑿開鑛脈着鎌先樵父遺蹤五百年一水湯々流不盡起

來跛躄果靈泉

背右患癰瘕未痊夜寒常聳作詩肩秋來忽試登山後

一浴宛如解例懸

釜鑄形象自然成中有溫泉沸々生四面峰巒相對坐松濤

滿耳常作煮茶聲

鎌先一名金崎國音相通

溪上栽梅溪下茶主人生計富成家靈泉况又能治病遊

客四時紛若麻

天狗巖高欲刺天登臨望海氣超然連山重疊如波浪日斷

金華松島邊

水接仙臺滄海清山連米澤亂峰橫戊辰舊事無人記故

壘摧頽白石城

昔人評阮亭詩謂其於此處登臨之佳

故老凋殘一不存憶曾白石會東藩誰將奏議論時務快

雪同盟諸子寬

戊辰之變余代二十四藩上  
京建言密奏 閣下

白面公卿笑武姿。時危持節鎮東陲。將軍不問安邊策。唯道皇家有錦旗。

鎮撫將軍來奧州。聞君英斷善參謀。當年惜惜用兵急。遂

使官家息化讐。

參謀世良修藏隨九條鎮撫總督末仙臺會津謝罪總督不容  
與羽皆叛

孤墓松間鎖碧苔。空山雨暗杜鵑哀。呼回二十六年夢。獨吊冤魂酌酒來。

參謀世良罹逆難墓在白石

境如太古古風存。路入白雲紅葉村。又見山人經濟好。數家

籬落牧牛豚。

清流激石水聲奔。橋斷林窮又有村。昨雨溪魚落。多少梁間羨刺躍波痕。

一年明月在中秋。待到圓時夜色愁。正是山中人不到。

淒風吹雨滿溪樓。

中秋無月

捲簾明月照高樓。縹緲仙臺海上浮。寫得金華松島景。一杯領略奧州秋。

中秋後一夕有月

鎌先客舍和清國星使汪芝房君偕樂園被贈詩

韻却寄

寄蹤幽谷白雲濱  
倦翼戀林歸興新  
皎月在山明不夜  
丹楓照水艷如春  
何嫌猿鹿俱為伍  
漫把琴書儘自陳  
是處秋來酒方熟  
遙思浴下意中人

芝房先生重依前韵見寄高什興情未已賦之以寄

仍用前韻

樵父鎌存白石濱  
靈泉湧出到今新  
客來客去不知歲  
花落閑經幾春  
四戶比鄰同井臼  
一村嫁娶見朱陳  
居

字之工級

張在山名詩後  
多矣全存佳

品物  
祥佳

民揖讓稱淳樸  
迎我山中呼主人

一條木村最上鈴木四姓居於此

金華山大漁歌贈安倍翁

并小引


安倍翁名喜兵衛仙臺石卷人年七十二強健如壯  
距今二十年前於金華山下新擇漁獵地製作大網  
設之海中方可五百間深達二三十尋浮標木定  
位地形如括囊繞開一方以通魚道察魚入其網忽  
括囊口一時捕獲海濱為富蓋未曾有之盛舉也翁  
起此業及功成而讓之人如自不關者可謂知道之

人笑今年九月余偶遊鎌先同翁在一舍相見喜談  
不異舊好余歸東京也其子藤吉寄書來贈以漁  
獵圖及大漁歌為翁需詩余仍賦長篇贈之云

金華山老漁翁山奇海怪有異氣生此磊落一豪雄  
如熊豹膽如斗風以東海為吾有山下新開漁獵場  
裂來巨網一人手蒼波浩蕩山光浮方五石間魚所遊  
向此水宮包羅盡覆海鱗以一打收那詐操舟人四集  
俯如拾物萬魚急小者鱸鮓鼓浪飛大者鯨鯢猶山立老

漁翁樂如何麾衆齊唱大漁歌金華輝日晨照海歸舟  
晚載黃金多二句用歌意四十八濱由此富翁德高與金華秀  
功成讓人不自居可知天錫如山壽我今遠來遊鎌先  
與汝相會非偶然明年尋汝觀漁獵拍手大笑金華  
巔

接筆勁健純似嘉州通篇氣象  
局又異常佳相近之言方得此句心  
宗 增得讀佳



--	--	--	--	--	--	--	--	--	--




--	--	--	--	--	--	--	--	--	--

樂善堂藏板



樂善堂藏板



--	--	--	--	--	--	--	--

